



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

18.12.2020թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ՍՑ-ՆԳ-2020/252

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության 03.12.2020թ. թիվ 26/26-1/17906-2020 գրությամբ «ԳՈՒԵԳՈՒԵՍՏՈՆ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը ՀՀ Նախագահի աշխատակազմի 26.11.2020թ. թիվ ԱՂ-1347-2020 գրության հիման վրա 03.12.2020թ. թիվ 26/26-1/17906-2020 գրությամբ նախաձեռնել է «ԳՈՒԵԳՈՒԵՍՏՈՆ» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «ԳՈՒԵԳՈՒԵՍՏՈՆ» ՍՊԸ-ի ներկայացրած փաստարկները և դիրքորոշումը.

«ԳՈՒԵԳՈՒԵՍՏՈՆ» ՍՊԸ-ն Գնումների հետ կապված բողոքներ քննող անձի սույն որոշումը կայացնելու օրվա դրությամբ գրավոր դիրքորոշում չի ներկայացրել:

«ԳՌԵԳԳՌԵՍՏՈՆ» ՍՊԸ-ն, պատշաճ ծանուցված լինելով ՍՑ-ՆԳ-2020/252 ընթացակարգի շրջանակներում 14.12.2020թ. ժամը 10:25-ին և 18.12.2020թ. ժամը 09:50-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

3. ՀՀ Նախագահի աշխատակազմի կողմից ներկայացված փաստարկները և դիրքորոշումը.

ՀՀ Նախագահի աշխատակազմը (հետայսու նաև՝ Պատվիրատու) ՀՀ ֆինանսների նախարարությանն ուղղված 26.11.2020թ. թիվ ԱՂ-1347-2020 գրությամբ հայտնել է, որ Հանրապետության նախագահի աշխատակազմը մասնակի միակողմանի լուծել է «ԳՌԵԳԳՌԵՍՏՈՆ» ՍՊԸ-ի հետ 19.08.2020թ.-ին կնքված ՀՆԱ-ԳՀԱՇՁԲ-20/74 ծածկագրով «Պետության կարիքների համար կապալային աշխատանքների կատարման պետական գնման» պայմանագիրը: Պայմանագիրը միակողմանի լուծելու պատճառ է հանդիսացել «ԳՌԵԳԳՌԵՍՏՈՆ» ՍՊԸ-ի կողմից պայմանագրով ստանձնած պարտավորություններ խախտելու հանգամանքը, մասնավորապես խախտվել է պայմանագրով նախատեսված աշխատանքի ժամկետը, այդ թվում սահմանված նոր ժամկետը, ինչպես նաև թերությունների վերացման ողջամիտ ժամկետը:

Ամփոփելով վերոգրյալը՝ Պատվիրատուն հայտնել է, որ ղեկավարվելով ՀՀ կառավարության 2017 թվականի մայիսի 4-ի թիվ 526 որոշմամբ հաստատված «Գնումների գործընթացի կազմակերպման» կարգի 45-րդ կետի դրույթներով՝ տրամադրում է «ԳՌԵԳԳՌԵՍՏՈՆ» ՍՊԸ-ի տվյալները՝ համապատասխան հիմքերով:

Պատվիրատուն, պատշաճ ծանուցված լինելով ՍՑ-ՆԳ-2020/252 ընթացակարգի շրջանակներում 14.12.2020թ. ժամը 10:25-ին և 18.12.2020թ. ժամը 09:50-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2020/252 ընթացակարգի քննության համար էական նշանակություն ունեցող փաստերը.

ՍՑ-ՆԳ-2020/252 ընթացակարգի քննության համար էական նշանակություն ունեն հետևյալ փաստերը.

1. ՀՀ Նախագահի աշխատակազմի և «ԳՌԵԳԳՌԵՍՏՈՆ» ՍՊԸ-ի միջև 19.08.2020թ. կնքվել է թիվ ՀՆԱ-ԳՀԱՇՁԲ-20/74 ծածկագրով աշխատանքների կատարման պայմանագիր (հետայսու նաև՝ Պայմանագիր), որի 1-ին կետի 1.1 ենթակետի համաձայն՝ Կապալառուն՝ տվյալ դեպքում «ԳՌԵԳԳՌԵՍՏՈՆ» ՍՊԸ-ն, պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի (այսուհետ՝ պայմանագիր) N 1 Հավելվածով սահմանված ծավալաթերթ-նախահաշվով նախատեսված շենքերի և շինությունների ընթացիկ նորոգման աշխատանքները (այսուհետ՝ աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

2. Պայմանագրի 1.2 ենթակետի համաձայն՝ նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարարական նորմերին և կանոններին, աշխատանքի նախագծին, ինչպես նաև պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան:

3. Պայմանագրի 1.3 ենթակետի համաձայն՝ Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ 45 օրացուցային օրը:

Պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

4. Պայմանագրի 3.4-րդ կետի 3.4.1-րդ ենթակետի համաձայն՝ Կապալառուն պարտավոր է աշխատանքների 100 տոկոսը կատարել անձամբ, պայմանագրով նախատեսված կարգով և ժամկետներում, իր ուժերով, գործիքներով, մեխանիզմներով, ինչպես նաև անհրաժեշտ նյութերով ու պատշաճ որակով՝ նախագծին և ծավալաթերթին համապատասխան:

5. Պայմանագրի 5-րդ կետի 5.1-րդ ենթակետով սահմանվում է, որ Պայմանագրի ընդհանուր գինը կազմում է 4 033 000 (չորս միլիոն երեսուներեք հազար) ՀՀ դրամ: Գինը ներառում է Կապալառուի կողմից իրականացվող բոլոր ծախսերը:

6. Պայմանագրին կից Հավելված 1-ով՝ ծավալաթերթ-նախահաշվով, սահմանվել են շենքերի և շինությունների ընթացիկ նորոգման աշխատանքների կատարումը:

7. Պայմանագրին կից Հավելված 2-ի՝ շենքերի և շինությունների ընթացիկ նորոգման աշխատանքների կատարման օրացուցային գրաֆիկի համաձայն՝ Աշխատանքները պետք

սկսվեն Պայմանագիրը ՀՀ ֆինանսների նախարարության կողմից հաշվառվելու հաջորդ օրը և կատարման ժամկետը սահմանվում է՝ 45 օրացուցային օրը:

8. «ԳՌԵԳԳՌԵՍՏՈՆ» ՍՊԸ-ին ուղղված 24.11.2020թ. ծանուցմամբ ՀՀ Նախագահի աշխատակազմը, հայտնել է հետևյալը.

«Պայմանագրով աշխատանքների կատարման ժամկետ է սահմանվել 2020 թվականի հոկտեմբերի 5-ը: Այդ ժամկետի ավարտին պայմանագրով նախատեսված աշխատանքը Ձեր Ընկերության կողմից չի կատարվել: Ձեր Ընկերության կողմից խախտվել է պայմանագրի 1.3 կետում նշված ժամկետը (ներառյալ օրացուցային գրաֆիկը):

Հանրապետության Նախագահի աշխատակազմի ղեկավարի տեղակալը պայմանագրի 3.1.2 կետի համաձայն սահմանել է աշխատանքի կատարման նոր ժամկետ՝ 2020 թվականի հոկտեմբերի 20-ը, որի մասին Ձեզ տեղեկացվել է 10.10.2020թ.-ին Ընկերությանն ուղղված գրությամբ: Սահմանված նոր ժամկետում ևս Ընկերության կողմից պայմանագրով նախատեսված աշխատանքը ամբողջությամբ չի կատարվել:

20.11.2020թ. էլեկտրոնային փոստի միջոցով Ընկերությանը տրամադրվել է այն աշխատանքների անվանումները և ծավալները, որոնք չեն կատարվել կամ կատարվել են թերություններով և համարվում են չկատարված: Միաժամանակ Ձեզ առաջարկվել է մինչև 2020 թվականի նոյեմբերի 23-ը ներառյալ ավարտել աշխատանքները և վերացնել թերությունները: Սակայն ոչ մի քայլ չէք ձեռնարկել և ի պատասխան այդ գրությանը՝ կրկին ներկայացրել եք անհիմն պատճառաբանություններ և աշխատանքը կատարելու համար անընդունելի և ոչ իրավաչափ պայմաններ:

Պայմանագրով նախատեսված առանձին տեսակի այն աշխատանքները, որոնք Ձեր Ընկերության կողմից ամբողջությամբ կատարվել են, Հանրապետության նախագահի աշխատակազմի կողմից ընդունվել են և դրանց դիմաց վարվել է: Պայմանագրով նախատեսված որևէ այլ առանձին տեսակի աշխատանքներ Ընկերության կողմից ամբողջական չեն կատարվել և վերջնական արդյունք Հանրապետության Նախագահի աշխատակազմին չի հանձնվել:

Ելնելով վերագրյալից և հիմք ընդունելով պայմանագրի 3.1.4 կետի բ) և դ) ենթակետերը՝ Հանրապետության նախագահի աշխատակազմը 2020 թվականի նոյեմբերի 24-ին մասնակի՝ 2 311 125.9 ՀՀ դրամի մասով, միակողմանի լուծում է պայմանագիրը»:

9. Պատվիրատուի կողմից տեղեկագրում (www.procurement.am հասցեով գործող ինտերնետային կայքում) 24.11.2020թ հրապարակվել է Պայմանագիրը միակողմանի մասնակի լուծելու մասին ծանուցումը:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 03.12.2020թ. թիվ 26/26-1/17906-2020 գրությունը, ՀՀ Նախագահի աշխատակազմի 26.11.2020թ. թիվ ԱԴ-1347-2020 գրությունը և կից փաստաթղթերը, ինչպես նաև գործում առկա փաստաթղթերը, հայտնում եմ հետևյալը.

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

Նույն օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Այսպիսով՝ ՀՀ Նախագահի աշխատակազմի և «ԳՌԵԳԳՌԵՍՈՆ» ՍՊԸ-ի միջև 19.08.2020թ. կնքվել է թիվ ՀՆԱ-ԳՀԱՇՁԲ-20/74 ծածկագրով աշխատանքների կատարման պայմանագիր, որի 1-ին կետի 1.1 ենթակետի համաձայն՝ Կապալառուն՝ տվյալ դեպքում «ԳՌԵԳԳՌԵՍՈՆ» ՍՊԸ-ն, պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի N 1 Հավելվածով սահմանված ծավալաթերթ-նախահաշվով նախատեսված շենքերի և շինությունների ընթացիկ նորոգման աշխատանքները, իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

Պայմանագրի 1.2 ենթակետի համաձայն՝ նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարարական նորմերին և կանոններին, աշխատանքի նախագծին, ինչպես նաև պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան:

Պայմանագրի 1.3 ենթակետի համաձայն՝ Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ 45 օրացուցային օրը:

Պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

Պայմանագրի 3.4-րդ կետի 3.4.1-րդ ենթակետի համաձայն՝ Կապալառուն պարտավոր է աշխատանքների 100 տոկոսը կատարել անձամբ, պայմանագրով նախատեսված կարգով և ժամկետներում, իր ուժերով, գործիքներով, մեխանիզմներով, ինչպես նաև

անհրաժեշտ նյութերով ու պատշաճ որակով՝ նախագծին և ծավալաթերթին համապատասխան:

Պայմանագրի 5-րդ կետի 5.1-րդ ենթակետով սահմանվում է, որ Պայմանագրի ընդհանուր գինը կազմում է 4033000 (չորս միլիոն երեսուներեք հազար) ՀՀ դրամ: Գինը ներառում է Կապալառուի կողմից իրականացվող բոլոր ծախսերը:

Պայմանագրին կից Հավելված 1-ով՝ ծավալաթերթ-նախահաշվով, սահմանվել են շենքերի և շինությունների ընթացիկ նորոգման աշխատանքների կատարումը:

Պայմանագրին կից Հավելված 2-ի՝ շենքերի և շինությունների ընթացիկ նորոգման աշխատանքների կատարման օրացուցային գրաֆիկի համաձայն՝ Աշխատանքները պետք սկսվեն Պայմանագիրը ՀՀ ֆինանսների նախարարության կողմից հաշվառվելու հաջորդ օրը և կատարման ժամկետը սահմանվում է՝ 45 օրացուցային օր:

«ԳՌԵԳԳՌԵՍՏՈՆ» ՍՊԸ-ն Պատվիրատուին ուղղված 08.10.2020թ. գրությամբ հայտնել է հետևյալը՝

««ԳՌԵԳԳՌԵՍՏՈՆ» ՍՊԸ-ն ունի ՀՆԱ-ԳՀԱՇՁԲ-20/74 ծածկագրով 19.08.2020թ.-ին կնքված կապալային աշխատանքների կատարման պայմանագիր Հանրապետության նախագահի աշխատակազմի հետ: Սակայն ներկայումս Ընկերությունը չունի բավարար միջոցներ Պայմանագրով ստանձնած աշխատանքներն ավարտելու համար:

Հաշվի առնելով կատարված աշխատանքները, խնդրում եմ աջակցել «ԳՌԵԳԳՌԵՍՏՈՆ» ՍՊԸ-ին և տրամադրել 1.500.000 ՀՀ դրամ աշխատանքները ավարտելու համար»:

Պատվիրատուն Ընկերությանն ուղղված 10.10.2020թ. գրությամբ հայտնել է հետևյալը՝

«Հանրապետության նախագահի և Ձեր Ընկերության միջև կնքված Պայմանագրով նախատեսված աշխատանքների կատարման վերջնաժամկետ է սահմանվել սույն թվականի հոկտեմբերի 5-ը: Պայմանագրով նախատեսված աշխատանքը Ընկերության կողմից մինչ օրս չի կատարվել: Ձեր կողմից խախտվել է պայմանագրի 1.3 կետում նշված ժամկետը (ներառյալ օրացուցային գրաֆիկը):

Համաձայն պայմանագրի 3.1.2 կետի՝ Պատվիրատուն սահմանում է աշխատանքի կատարման նոր ժամկետ՝ 2020 թվականի հոկտեմբերի 20-ը:

Միաժամանակ հայտնում ենք, որ յուրաքանչյուր ուշացված աշխատանքային օրվա համար գանձվելու է տույժ՝ կատարման ենթակա, սակայն չկատարված աշխատանքի գնի 0.05 տոկոսի չափով, իսկ աշխատանքի կատարման համար սահմանված նոր ժամկետը

խախտելու դեպքում պայմանագրի 3.1.4 կետի բ) պարբերության հիմքով պայմանագիրը միակողմանի կլուծվի»:

«ԳՈՒԵԳՈՒԵՍՏՈՆ» ՍՊԸ-ն Պատվիրատուին ուղղված 09.11.2020թ. գրությամբ հայտնել է հետևյալը՝

««Ներկայումս Ընկերությունը չունի բավարար միջոցներ Պայմանագրով ստանձնած աշխատանքներն ավարտելու համար»:

Խնդրում եմ ընդունել փաստացի կատարված աշխատանքները և վճարել դրա դիմաց, որպեսզի Ընկերությունը ունենա հնարավորություն ավարտել աշխատանքները ամբողջ ծավալով»:

Պատվիրատուն Ընկերությանն ուղղված 20.11.2020թ. գրությամբ հայտնել է հետևյալը՝

«Պայմանագրով նախատեսված աշխատանքները ամբողջությամբ չեն կատարվել: Մասնավորապես չեն կատարվել պայմանագրի ծավալաթերթ-նախահաշվով նախատեսված հետևյալ աշխատանքները.

- Ներքին պատերի ատերի քսահարթում, հղկում և ներկում բարձրորակ ծեփամածիկով և ներկով (լատեքս) մինչև 4մ բարձրության վրա, տախտակամածի կառուցումով /գույքի տեղափոխում, մնացած գույքի, դռների և պատուհանների ծածկում պոլիէթիլենային թաղանթով/-180 մ²:

- «Արմատրոնգ» տիպի կախովի առաստաղի իրականացում (տեղադրում) /գույնը պետք է համապատասխանի տվյալ սենյակի գույնին/- 20 մ²:

- Օդորակիչների դրսի բլոկի ապամոնտաժում և մոնտաժում, գազի հնարավոր պահպանումով կամ լիցքավորումով, խողովակների երկարացում մինչև 12 մ /ավտոաշտարակ չի պահանջվում/-1 հատ:

- Լեդ լուսատուների տեղադրում կեղծ առաստաղի վրա, չափսը՝ 60*60մմ, 36-40վտ հզորությամբ- 4 հատ:

- Տիտան կամ համարժեք տեսակի առնվազն 16Ա վարդակների ներքին մոնտաժում-10 հատ:

- Մեկ տեղանոց անջատիչի ներքին մոնտաժում մինչև 10 մերր 1.5*2մմ էլեկտրասնուցման լարի երկարացմամբ - 1հատ:

- Երկշերտ մեկուսացմամբ 2*4 մմ հաստությամբ էլեկտրասնուցման լարի արտաքին մոնտաժում կորորներով-70մ:

- Էլեկտրական օդաքարշի տեղադրում պատուհանի վրա: Օդաքարշը պետք է ապահովի 27 մ3 ծավալով սենյակի օդափոխությունը -1հատ:

- Փայտե դռների և պատուհանների մասնակի վերականգնում, մակերեսի հարթեցում և ներկապատում /աշխատանքները պետք է կատարվեն տեղում/, գույնը սպիտակ և միատոն՝ արտաքին կլիմայական պայմաններին դիմացկուն- 65մ²:

- Փայտյա երկփեղկ ոսկրագույն դռան պատրաստում և տեղադրում /ներառյալ դուռը/, չափսը՝ 1.5մ*3.5մ ուղղահայաց և հորիզոնական փորագրումներով, փականով, դռան վրա պետք է սուսալապատել ընդհանուր ծավալով 2400սմ*3սմ հատված ուղղանկյուններով /դուռը պետք է համապատասխանի դահլիճի մյուս դռներին/ - 1հատ:

- Պատուհանի ապակե փաթեթի փոխարինում լամինատով – 1.5մ²:

- Պատուհանի ապակե փատեթի թաղանթապատում սպիտակ անթափանց թաղանթով-3մ²:

- Փայտյա երկփեղկ ոսկրագույն դռան պատրաստում և տեղադրում /ներառյալ դուռը/, չափսը՝ 1.4մ*2.4մ ուղղահայաց և հորիզոնական փորագրումներով, փականով - 1հատ:

Վերոգրյալով պայմանավորված հայտնում ենք, որ նշված աշխատանքները մինչև նոյեմբերի 23-ը ներառյալ չավարտելու և առկա թերությունները չվերացնելու դեպքում, պայմանագրի 3.1.4 կետի բ) և դ) պարբերությունների հիման վրա կլուծվի»:

Ի պատասխան վերոհիշյալ գրության՝ Ընկերությունը 23.11.2020թ. գրությամբ հայտնել է հետևյալը.

«Ի պատասխան Ձեր 20.11.2020թ. գրության, հայտնում ենք, որ թվարկված չկատարված աշխատանքներից՝

- Ներքին պատերի ատերի քսահարթում, հղկում և ներկում բարձրորակ ծեփամածիկով և ներկով (լատեքս) մինչև 4մ բարձրության վրա, տախտակամածի կառուցումով /գույքի տեղափոխում, մնացած գույքի, դռների և պատուհանների ծածկում պոլիէթիլենային թաղանթով/-180 մ²-կատարվել է ամբողջությամբ,

- «Արմատրոնգ» տիպի կախովի առաստաղի իրականացում (տեղադրում) /գույնը պետք է համապատասխանի տվյալ սենյակի գույնին/- 20 մ²- չի կատարվել, քանի որ պատվիրատուի կողմից չեղարկվել է աշխատանքի անհրաժեշտությունը,

- Օդորակիչների դրսի բլոկի ապամոնտաժում և մոնտաժում, գազի հնարավոր պահպանումով կամ լիցքավորումով, խողովակների երկարացում մինչև 12 մ /ավտոաշտարակ չի պահանջվում/-1 հատ չի կատարվել, քանի որ պատվիրատուի կողմից չեղարկվել է աշխատանքի անհրաժեշտությունը,

- Լեդ լուսատուների տեղադրում կեղծ առաստաղի վրա, չափսը՝ 60*60սմ, 36-40վտ հզորությամբ- 4 հատ- կատարվել է մասնակի: Չնայած այն փաստին, որ ծավալաթերթ- նախահաշվում նշված լուսատուները նախատեսված էին եղել Արմատրոնգ տիպի կախովի առաստաղի համար, իսկ փոխարինվող լուսատուների արժեքը կրկնակի անգամ գերազանցում է պայմանագրով սահմանված լուսատուների արժեքին, Ընկերության կողմից այդ լուսատուները ձեռք են բերվել ձեր ներկայացուցչի ներկայությամբ և հանձնվել պատվիրատուին,

- Տիտան կամ համարժեք տեսակի առնվազն 16Ա վարդակների ներքին մոնտաժում- 10 հատ-պայմանագրով սահմանված 15 հատ տիտան կամ համարժեք տեսակի առնվազն 16Ա վարդակներից տեղադրվել է 6 հատը, չի կատարվել 9 հատը,

- Մեկ տեղանոց անջատիչի ներքին մոնտաժում մինչև 10 մերր 1.5*2մմ էլեկտրասնուցման լարի երկարացմամբ - 1հատ-կատարվել է ամբողջությամբ,

- Երկշերտ մեկուսացմամբ 2*4 մմ հաստությամբ էլեկտրասնուցման լարի արտաքին մոնտաժում կորոբներով-70մ- չի կատարվել,

- Էլեկտրական օդաքարշի տեղադրում պատուհանի վրա: Օդաքարշը պետք է ապահովի 27 մ3 ծավալով սենյակի օդափոխությունը -1հատ չի կատարվել, քանի որ պատվիրատուի կողմից չեղարկվել է աշխատանքի անհրաժեշտությունը,

- Փայտե դռների և պատուհանների մասնակի վերականգնում, մակերեսի հարթեցում և ներկապատում /աշխատանքները պետք է կատարվեն տեղում/, գույնը սպիտակ և միատոն՝ արտաքին կլիմայական պայմաններին դիմացկուն- 65մ² կատարվել է ամբողջությամբ,

- Փայտյա երկփեղկ ոսկրագույն դռան պատրաստում և տեղադրում /ներառյալ դուռը/, չափսը՝ 1.5մ*3.5մ ուղղահայաց և հորիզոնական փորագրումներով, փականով, դռան վրա պետք է սուսալապատել ընդհանուր ծավալով 2400սմ*3սմ հատված ուղղանկյուններով /դուռը պետք է համապատասխանի դահլիճի մյուս դռներին/ - 1հատ չի կատարվել,

- Պատուհանի ապակե փաթեթի փոխարինում լամինատով – 1.5մ² չի կատարվել, քանի որ պատվիրատուի կողմից չեղարկվել է աշխատանքի անհրաժեշտությունը,

- Պատուհանի ապակե փաթեթի թաղանթապատում սպիտակ անթափանց թաղանթով-3մ² չի կատարվել, քանի որ պատվիրատուի կողմից չեղարկվել է աշխատանքի անհրաժեշտությունը,

• Փայտյա երկփեղկ ոսկրագույն դռան պատրաստում և տեղադրում /ներառյալ դուռը/, չափսը՝ 1.4մ*2.4մ ուղղահայաց և հորիզոնական փորագրումներով, փականով - 1հատ-չի կատարվել:

Բացի դրանից Ընկերության կողմից պայմանագրով սահմանված պարտավորություններից դուրս իրականացվել են հետևյալ աշխատանքները՝

- Արտաքին պատերի գաջե սվաղի քանդում և պատերի գաջե սվաղի իրականացում
- Սյուների ամբողջովին վերականգնում (Համաձայն նախահաշվի նախատեսված էին իրականացնել արտաքին պատերի քսահարթում, հղկում և ներկում՝ բարձրորակ, արտաքին կլիմայական պայմանների դիմացկուն ծեփամածիկով և ներկով (լատեքս) մինչև 6մ բարձրության վրա, տախտակամածի կառուցումով /դռների և պատուհանների ծածկում պոլիէթիլենային թաղանթով /239 քառ.մ., սակայն քանի որ արտաքին պատերը և սյուները վնասված էին այդ աշխատանքը հնարավոր չէր կատարել առանց պատերի գաջե սվաղի քանդման և պատերի գաջե սվաղի իրականացման, ինչպես նաև սյուների վերականգնման աշխատանքների).

- գիպսակարտոնե սակառի տեղադրում օդորոկիչների քողարկման համար.
- փայտյա շրիշակների տեղադրում

Հաշվի առնելով թվարկվածը խնդրում եմ ընդունել կատարված աշխատանքները ամբողջ ծավալով, ինչից հետո Ընկերությունը կշարունակի աշխատանքները»:

«ԳՌԵԳԳՌԵՍՈՆ» ՍՊԸ-ին ուղղված 24.11.2020թ. ծանուցմամբ ՀՀ Նախագահի աշխատակազմը հայտնել է հետևյալը.

«Պայմանագրով աշխատանքների կատարման ժամկետ է սահմանվել 2020 թվականի հոկտեմբերի 5-ը: Այդ ժամկետի ավարտին պայմանագրով նախատեսված աշխատանքը Ձեր Ընկերության կողմից չի կատարվել: Ձեր Ընկերության կողմից խախտվել է պայմանագրի 1.3 կետում նշված ժամկետը (ներառյալ օրացուցային գրաֆիկը):

Հանրապետության Նախագահի աշխատակազմի ղեկավարի տեղակալը պայմանագրի 3.1.2 կետի համաձայն սահմանել է աշխատանքի կատարման նոր ժամկետ՝ 2020 թվականի հոկտեմբերի 20-ը, որի մասին Ձեզ տեղեկացվել է 10.10.2020թ.-ին Ընկերությանն ուղղված գրությամբ: Սահմանված նոր ժամկետում ևս Ընկերության կողմից պայմանագրով նախատեսված աշխատանքը ամբողջությամբ չի կատարվել:

20.11.2020թ. էլեկտրոնային փոստի միջոցով Ընկերությանը տրամադրվել է այն աշխատանքների անվանումները և ծավալները, որոնք չեն կատարվել կամ կատարվել են թերություններով և համարվում են չկատարված: Միաժամանակ Ձեզ առաջարկվել է մինչև

2020 թվականի նոյեմբերի 23-ը ներառյալ ավարտել աշխատանքները և վերացնել թերությունները: Սակայն ոչ մի քայլ չէք ձեռնարկել և ի պատասխան այդ գրությանը՝ կրկին ներկայացրել եք անհիմն պատճառաբանություններ և աշխատանքը կատարելու համար անընդունելի և ոչ իրավաչափ պայմաններ:

Պայմանագրով նախատեսված առանձին տեսակի այն աշխատանքները, որոնք Ձեր Ընկերության կողմից ամբողջությամբ կատարվել են, Հանրապետության նախագահի աշխատակազմի կողմից ընդունվել են և դրանց դիմաց վարվել է: Պայմանագրով նախատեսված որևէ այլ առանձին տեսակի աշխատանքներ Ընկերության կողմից ամբողջական չեն կատարվել և վերջնական արդյունք Հանրապետության Նախագահի աշխատակազմին չի հանձնվել:

Ելնելով վերագրյալից և հիմք ընդունելով պայմանագրի 3.1.4 կետի բ) և դ) ենթակետերը՝ Հանրապետության նախագահի աշխատակազմը 2020 թվականի նոյեմբերի 24-ին մասնակի՝ 2 311 125.9 ՀՀ դրամի մասով, միակողմանի լուծում է պայմանագիրը»:

Պատվիրատուի կողմից տեղեկագրում 24.11.2020թ հրապարակվել է Պայմանագիրը միակողմանի մասնակի լուծելու մասին ծանուցումը:

Այսպիսով՝ ամփոփելով գործով առկա վերոգրյալ փաստերը, համադրելով կիրառման ենթակա նորմերի հետ՝ արձանագրում եմ հետևյալը՝

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետը սահմանում է, որ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:**

Պայմանագրի 2-րդ կետի 2.1.4-րդ ենթակետի համաձայն՝ Պատվիրատուն իրավունք ունի միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) **Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը).**

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին,

դ) Կապալառուի կողմից խախտվել են պայմանագրի 3.1.3 կետով նախատեսված հիմքերով աշխատանքի թերությունների անհատույց վերացման ողջամիտ ժամկետները.

Պայմանագրի 1.3 ենթակետի համաձայն՝ Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ 45 օրացուցային օրը:

Կողմերի միջև Պայմանագիրը կնքվել է 19.08.2020թ.:

Պայմանագրի 5-րդ կետի 5.1-րդ ենթակետով սահմանվում է, որ Պայմանագրի ընդհանուր գինը կազմում է **4 033 000 ՀՀ դրամ**:

Այսպիսով՝ «ԳՆԵԳԳՆԵՍՏՈՆ» ՍՊԸ-ն իր և ՀՀ Նախագահի աշխատակազմի միջև 19.08.2020թ. կնքված Պայմանագրով ստանձնել է Պայմանագրի N 1 Հավելվածով սահմանված ծավալաթերթ-նախահաշվով նախատեսված շենքերի և շինությունների ընթացիկ նորոգման աշխատանքները Պայմանագիրն ուժի մեջ մտնելուց հետո 45 օրացուցային օրում ՀՀ Նախագահի աշխատակազմին մատուցելու պարտականությունը: Արձանագրում են, որ գործում առկա աշխատանքների կատարման 16.10.2020թ. N 2989056618 և 13.11.2020թ. N 0607769386 հարկային հաշիվների համաձայն՝ Պայմանագրի շրջանակներում Ընկերության կողմից 4 033 000 ՀՀ դրամ իրականացվելիք աշխատանքներից կատարվել են 1 721 874.1 ՀՀ դրամի աշխատանքներ:

Այսպիսով՝ գործով առկա նյութերի համաձայն՝ Ընկերությունը Պայմանագիրը լուծելու օրվա դրությամբ՝ 24.11.2020թ., չի կատարել Պայմանագրով նախատեսված 2 311 125.9 ՀՀ դրամի աշխատանքներ՝ խախտելով աշխատանքի կատարման ժամկետը, որի հետևանքով Ընկերությունը թույլ է տվել Պայմանագրի էական խախտում, որն էլ իր հերթին հանգեցրել է Պատվիրատուի կողմից Պայմանագրի միակողմանի մասնակի լուծման:

Հաշվի առնելով վերոգրյալը՝ գտնում են, որ Ընկերությունը թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի խախտում, ուստի առկա են Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 03.12.2020թ. թիվ 26/26-1/17906-2020 գրությամբ «ԳՌԵԳԳՌԵՍՈՆ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «ԳՌԵԳԳՌԵՍՈՆ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ